



833067

秦王虬顙一尺鐵。提槩親搦中原血。晝開天策羣龍趨。諸公袞袞皆英傑。當時立本傳畫圖。千載想像猶能識。我家此障解翁筆。宣和院體工設色。臺榭渲染輝丹青。宮殿玲瓏麗金碧。頗工人物良苦思。舊本摹拓開鬢眉。宮袍緋紫雜青綠。腰帶撻尾紛悅垂。髣髴銅龍散講後。

詩三 七言古

秦王虬顙一尺鐵。提槩親搦中原血。晝開天策羣龍趨。諸公袞袞皆英傑。當時立本傳畫圖。千載想像猶能識。我家此障解翁筆。宣和院體工設色。臺榭渲染輝丹青。宮殿玲瓏麗金碧。頗工人物良苦思。舊本摹拓開鬢眉。宮袍緋紫雜青綠。腰帶撻尾紛悅垂。髣髴銅龍散講後。

青門龍臺卷三 詩三

一

畫。選。行。樂。分。曹。偶。房。公。微。笑。杜。公。坐。投。壺。散。帙。無。不。有。就。中。一。人。落。筆。酣。細。看。恐。是。虞。世。南。其。餘。學。士。貌。各。異。哦。哦。列。坐。影。華。簷。卽。論。畫。馬。亦。殊。絕。奚。駒。十。八。森。成。列。銀。鞍。金。鏤。晚。高。纏。鏤。三。匹。翹。足。五。匹。齧。太。液。淡。淡。春。風。波。黃。鬚。奚。官。白。鬪。鞞。牽。來。十。匹。池。上。浴。丹。髮。剪。刷。噴。桃。花。可。憐。人。馬。爭。輝。籠。憑。軒。坐。久。神。逾。竦。憶。昔。風。塵。際。會。初。君。臣。契。合。水。與。魚。功。成。開。府。迨。清。暇。春。容。翰。墨。非。荒。娛。只。今。朝。野。仍。艱。虞。時。危。整。頓。英。雄。需。撫。圖。懷。古。心。鬱。紆。書。生。豈。有。封。侯。獻。慷慨。擊。碎。玉。唾。壺。高。吟。梁。父。浮。雲。

鄧長蘅

顧景星

赤方批點

衛

衛

衛

衛

贈陳舍人簡儒

邵生磊落以下方覺神來

前朝書法誰第一枝指京兆衡山翁陳也頗能師二子
墨瀋揮灑無凡蹤亡論神似與形似樵畫心苦稱良工
憶昔崇禎全盛日內庭恭儉百戲斥玉管時臨顏魯碑
金錢別購蘭亭蹟是時諸公頻召見供奉盡選金閨彥

君家大阮最承恩日高數上文華殿

舍人叔士本先官中書

君也

逡巡當其後殿前詔拂琉璃硯霜毫落紙道且都先皇
微笑中涓美花銀帶銜進賢冠鵝鵠補子錦繡段賜出
內庭拜舞歸侯家戚里爭歎悅轉眼怪事誰能窮白馬
小兒來關中天子徒跣下殿走黃巾焚闕采恩紅衣冠

青門龍臺卷三

詩三

二

奔迫不須臾君亦還山尋故廬潭棊格五不快意但話
天寶重嗟吁邵生磊落無與匹爲君沉吟淚沾臆古來
得喪何終極徑須痛飲巨羅百不然騎馬縛袴褶走上
南山學射獵君不見昭陵玉匣也可憐思陵渴葬田妃
墳更無玉匣埋寒煙

高一結宛鬱蒼涼

對月寄別周穀城時有徐沛之遊

別君五見望舒圓芳草已碧秋露團君今何處望明月

思君對月愁沈瀾愁亦不可道月亦不可掃有眼厭見

尋常人翩然將理長江棹長江日夜寒生波前路蕭條

奈別何八月蘆花白江泥瓦兩風輕渡揚子九月搖落

霜楓秋布帆，婀娜泊黃樓。客行浩蕩無窮已，濁浪奔流
千里中。悲吟淚如雨，眼中之人吾與子。客子出門
良苦辛，敝裘瘡馬暗風塵。惟有故鄉今夜月，千里萬里
長相親。他時見月能相憶，應念江淮旅食人。

阻兵劉家堡對月遣悶

淮陰城南晝吹角，官船不行私船伏。繡旗大纛塞長川，
城門晝閉道路哭。舟人繫纜汜湖潯，大澤茫茫生野陰。
黃葦白浪高如屋，惟有鸚鵡鴉相哀吟。客愁對此那
可道，落日荒煙波瀟瀟。十里平湖黛不流，一片水輪光
已皎。團團月出照寒沙漠漠，晴蕭蕭。亂雪花憶著別家初
見月，如今對月轉思家。思家對月心逾苦，昨夢高堂隔
江水。只言萬里堪壯遊，誰知行路難如此。聞昨中丞親
犒師，賞有罈酒牛羊豬。白日縱飲橫都市，當街便殺官
騎奴。嗚呼世事難開口，月高星稀夜已久。一聲哀鴈橫
天來，客淚雙雙迸林藪。

青門篋裏卷三 詩三

三

沛縣官舍留別楊簡菴表兄 太白得意時氣調

我騎白龍浮江來，連濤猛蹴羣山開。黃河咆哮黑浪惡，
一月始及歌風臺。骨肉五年不相見，風塵歛觀吾兄面。
我昔弱齡今有鬢，君亦蹉跎四十餘。薄宦千里不快意，
一官仍擁青氈居。感君意氣與君好，流連累月開懷抱。

夜飲酣呼玉屈卮。晝遊連騎金駸褭。高秋九月天氣涼。
已母塚上塵沙黃。出騎快馬獰如龍。從少年輩逐兩
麇。弓弦拓作礮礮聲。叶。餓鴟飛去噉枯桑。割鮮野飲氣
益壯。肯作新婦車中藏。歸來歡宴不知夕。羌樂琵琶鼓
箏笛。明河欲沒斗西斜。主人稱壽客離席。吁嗟遊子如
轉蓬。作客未幾行窮冬。忽憶故鄉行樂好。黃雞正肥新
筍紅。明日驪駒更東首。馬上別君但揮手。北風鬪發短
後衣。蕭條中野行人稀。廣陵驛前暮潮落。京峴山頭雪
片飛。河水遙遙接江水。別淚與之誰是非。

瀟湘八景圖歌

渾脫劉離

青門龍臺卷三

詩三

四

誰剪鵝溪八幅雪。掃出瀟湘千里碧。洞庭青草水拍天。
捲向空堂溼素壁。彷彿魚莊落照寒。鷓鴣曬翅游儵潛。
崑頭古寺尋細逕。隔崦山店飄青帘。忽然放筆開平遠。
疎疎苦竹黃蘆短。遠浦歸帆如葉下。前汀斷雁寒沙秋色晚。
湖波蕩漾湖月圓。萬頃玻璃湧玉盤。二妃出遊驪珠吐。
江娥絙瑟潛蚪舞。咫尺不覺陰晴殊。暮雨黃陵啼鷓鴣。
千巖一白境。忽異空江。江筍笠漁舟孤幅。幅變幻有如此。
山仰真山水。真水驅山走水者。誰子畫成不肖題名字。
是陵好手說香山。惺惺。後來擅場有南田。惺惺。此畫突
過。子前或云前明沈與文聞道巴江碧。似油秋風吹

夢上潭州三湘浦口暗潮上八景臺南紅葉流竟須買
取洞庭舟胡爲對此成臥遊胡爲乎徒然對此成臥遊
城中守城行紀時事也事在己亥六月
明星爛爛高十丈城樓雉堞屹相向吏持府帖呼點丁
十家九家驅上城黃昏麗譙鼓角鳴城頭燈火爭繁星
紫額太守雄且豪罽韉絳纓跨兩刀馬蹄踏踏何其勞
貫三鞭七聲嗷嘈昨日傳聞羽書至長江六月無行估
戰艦還防揚子渡遊兵已被太平府縱令消息未必真
杞人憂天獨苦辛卽防此輩易激變盜賊在在皆良民
星沉雞唱太守至慎莫偶語行棄市

青門籠彙卷三

詩三

五

京口行

守城京口諸作老筆蒼然真可通杜

前月有人京口至向我具說京口事可憐十萬良家子
被驅血作長江水馬首紛紛紅袖啼城中處處青燐起
玉帛子女委如山良民痛哭官兵喜憶昨海艘蔽江下
餘艘艤幢捷如矢礮火朝轟建業城烽煙夜照瓜洲市
北軍病熱人馬疲遠人三萬一萬死豈無浙軍但袖手
將軍陣亾中丞走天塹之險一葦航區區孤城亦何有
城中食盡還出降官吏抱印趨道旁釜魚假息非得已
男號女哭形蒼黃從來兵機有翻覆龍江關頭晝飛鏃
飲飛材官騎若雲死國還能立戰勳嬰城既有郎尚書

殺敵不用梁將軍。將軍突騎來酣戰。虎頭燕頤誰不見。
膠鬲血洗大食刀。馬上橫飛僕姑箭。追奔逐北旋枯蓬。
沿江報捷速飛電。此時官軍卻入城。苦死雞犬無畱生。
詎有童男貫高槩。似聞節婦懸衣桁。嗚呼此事真可吁。
屠戮豈異犬與豬。上功盡擬侯王相。烈燄翻將玉石俱。
殺民何銳殺賊怯。爾輩不得誇身殊。昨來寡嫗哭交衢。
骨肉喪盡身羈孤。腹飢足繭但僵臥。日暮哀哀眼血枯。

訛言行

白頭老烏啄城角。城中午夜狗敲鼓。訛言北來兵屠城。
居人卻望城外哭。鼓聲瑟瑟天欲曙。拖男抱女出城去。

青門籠彙卷三

詩三

六

尺五金鏃傳令字。官出彈壓訶不住。亡賴惡少三四羣。
茜纓戰襖假作軍。黃蒿落日古城下。白奪釵環紅繡裙。
嗚呼若輩何其愚。訛言動搖王法誅。爾曹慎弗輕轉徙。
道路遑遑多艱虞。此邦守土誰者責。官吏抱印空城居。

結交行贈陳其年 未是勝處豪頓自喜

宦不必過二千石。雄不必垂雙豹囊。男兒墮地好身手。
結交海內須賢豪。我昔年十五走馬長千里。紅粉樓中
月似霜。烏衣門巷秋如水。少年落拓未解事。持書便欲
扣天鼓。賈生痛哭不見收。蛾眉嬋娟頗遭妒。此時豪華
翻不憂。輕裘寶瑟酣倡樓。罵坐豈避田丞相。按歌還擁

盧莫愁千金入手散。不惜酒後縱橫素霓發。繞牀大叫
成。最盧斫地酣歌動累月。酣歌累月令心哀。金陵王氣
安在哉。忽然懷古不得意。提劍去上歌風臺。樊噲自狗
屠。酈生亦凡才。不見隆準公。長吁神爲摧。我來索莫竟
何事。英雄白骨俱蒿萊。以茲感慨歸敝廬。中歲下帷學
著書。十年結客仍孤劔。十年獵古仍狂夫。荆溪陳顓湖
海客。逸羣絕倫世莫敵。我見顓詩驚下拜。手斟天河捲
虹霓。五歷切顓也。歌行多長篇。皎如赤城霞。起標青天王。

楊盧駱格未峻。逸氣往往追青蓮。其餘諸體俱卓犖。建
安以後元和前。丈夫意氣各凌競。結交有神兼有命。莫

青門簾彙卷三

詩三

七

言此物良區區。我曹遇合數亦定。搗來飛夢到荆溪。松
風萬壑山君啼。覺時縹緲雲嶠隔。明我與君長相思。爲
君爲龍不足道。片語千秋心自知。君不見豐城獄中三
尺匣。土花蝕盡鵬鵠鏗。一朝會合飛上天。神物豈肯終
淪落。

桃葉渡逢周穀城

紅欄十里搖綠波。美人如花颺纖羅。高樓芳樹日欲暮。
秦淮蕩漿寒煙多。此地逢君一招手。相攜徑醉秦淮酒。
憶君握別又三年。天涯失意轉相憐。縱然金盡須痛飲。

貂裘還值十千錢。

黃河行寄顧見山水部時以事卽訊夏鎮

黃河湍濤劈兩山。巨靈高掌遮不還。天吳八首角鬣鬣。
盤螭爲梁愁援攀。河隄使者持節至。龍伯夜驅罔象避。
鯨鬣如山不敢驕。短狐含沙訴向帝。帝關虎豹搏人嬉。
歛忽雷霆閭闔閉。憶昨尺一馳青徐。使臣紫馬貂襜褕。
緋衣御史琅璫鎖繡襖。緹騎廣柳車清時。不合重黨錮。
廷議似欲窮根株。此時形勢何偏仄。行人駭觀途路塞。
公衣短衣出官舍。慷慨不作兒女色。夏陽城外萬飢民。
號呼狂走天爲黑。婦女拖男踉路旁。公昔活我我不忘。
遮道競挽使臣馬。欲行不行翻蒼黃。飛章畫入甘泉殿。

青門籠彙卷三

詩三

八

寒灰不死回春陽。嗚呼萬變同蒼狗。金魚紫衫竟何有。
騶虞失勢驕猿猱。鴻鵠不敢欺黃口。男兒腰項絕可憐。
低頭搶地胡爲然。勸君歸聽華亭鶴。不然卻買陽羨田。
更搏兩丸弄千古。左揖屈宋右青蓮。君不見五湖釣艇。
滄浪曲不似黃河風浪濁。

苦旱行

辛丑年作

山東怪魃如人長。江南火鳥啄屋梁。塵沙飄瞥千餘里。
火蒸石燥暎氣黃。野老吞聲與余語。順治年來無此苦。
去年麥穗蟲食盡。何意天災復如許。故老相傳明末時。
赤地千里飛蝗災。健兒劫人割肉啖。婦女空村剝樹皮。

三十年閒重此禍斗米千錢寧足奇嗚呼天意不可測
聞語愴悽淚沾臆昨聞兗豫土尤赤十城九城空荆棘
原田燔枯裂十字蝗蟲積地厚一尺北人氣競易作逆
飢寒往往爲盜賊走馬落日蒼山空彎弓便向行人射
可憐縣官尚索租誅求縱迫安從乎夫出行乞婦哺姑

蔣孝廉槎長畫山水歌

屋裏突削青嶂出嵐霧濛濛氣出沒石根蘚剝蒼兕皮
枯松枝拉蛟龍骨坐久壘巘靜杳冥乃知丹青足奪眞
宰靈高麗蹒躑蜀攀光槎翁拂紙開煙霜筆力稍逼黃
子久邇來兼倣陳白陽此幅秀潤尤可喜綴得小閣臨

青門簾幕卷三 詩三

九

江水藤蘿暝掛巖磴青鳥嶼欹側夕流駛閣中著一老
翁坐隔江注日寒山紫槎翁有孫畫亦精氣格跌宕大
父行學書學劍輒不就近來一技翻成名槎翁於我顏
面好每誦新詩辱稱妙知我愛翁畫入髓大嫌小幅放
筆掃槎翁槎翁爾劖偏廿金易一山十金易一石權門
屏障少眞跡槎翁槎翁太劖偏

走筆贈別汪九石宦

眞君相識六年前與君相知六年後看君磊落無機心
一生好僊兼好酒金丹三百証不遺青囊一卷繫左肘
憐君奔上胡瑣尾勸君小任爲佳耳貧家樸率野人風

經旬蔬食寡鮮豕小摘圓莢菹莖酸軟炊香粳煨芋紫
腐儒麤糲君不嫌瓦盆濁酒巾可醜醉時酣睡醒時笑
忘形往往呼汝爾歲時伏臘具主賓跪拜禮數如弟兄
小兒年纔五六歲相見拱揖呼先生舊年別我有所適
八月孤鳥荻花白今年五月君重來美蘂初紅酒筒碧
但恨野夫倦荷鋤清談不得窮晨夕溪頭斜日重送君
期君十月還來宿此時主人亦得閒牀有清筠盤有藪
爲君喚婦炊新春醉飽無事睡亦足

滄州舟次對月

我家江南望明月高樓窈窕清輝發今來燕地憶江南

青門籠臺卷三

詩三

十

明月依依幾圓缺燕北江南共月光官河寂寂照行艤
離人自對他鄉月明月還應到故鄉故鄉迢遞三千路
丹楓搖落吳江樹月落吳江幾度秋江南思婦不勝愁
流黃機上遙相憶今夜還凭明月樓

津蟹行

鯉魚風起潞河急天津蟹筍密如市人家夜火候蟹來
明朝處處提筐立爬沙郭索腥滿城十錢向市得蟹卅
客子貪賤復貪肥日日驅奴市蟹歸堆盤磊砢映紅玉
滄酒破綠新撥醅此時江南蟹正美團臍如雪斗膏紫
紫鬚殼軟金爪肥紫鬚金爪皆吳蟹名細毛橙薑烹玉髓只愁俱

其不易得今來別賤飽欲死江南黃董皆吾徒客中相
拚屢相呼傾囊卽付酒家胡左持蟹螯右提壺螯乎螯
乎莫離手客中之愁吾何有

中秋官舍醉歌簡王廿六天恩殊厚溫良去矣會
別家何時月如鉤荷紅芰碧青溪頭作客何時月似練
燕山露冷桂花滋嬋娟三五輝清光主人歡客夜開譙
平頭奴子擎玉壺官厨繹絡來珍膳須臾月射金叵羅
葡萄繖綠生微波紫蟹山堆不論百冰盤雪藕水晶糕
座間同是江南客就中與子尤莫逆子家青城湖我家
國山北相違卅里不相識詎知邂逅成良朋客中見子

青門籠囊卷二

詩三

十一

好顏色忽憶去年秋月時芋羹濁酒同妻兒嬌女三歲
白勝雪千迴繞鄰爭植梨只今遠客傷懷抱賴逢吾徒
足傾倒坐看行樂諸少年酒酣耳熱誼談笑藏鈎呼白
爭分曹爲臬爲盧忽狂叫穉穉微寒月當午主人自歌
客自舞我醉呼君更盡觴城頭檠檠擲四鼓

將抵漢陽舟中賦長句先寄楊簡菴表兄

大江高出岷峨閒轟厖萬里蹙天還我浮扁舟去吳會

梅花片片吹吳山落花風吹渡江浦雲帆婀娜江中去

草色纔青北固樓晴煙欲沒金陵樹金陵西上更青天

漚翻雷激爭喧闐馬當江聲突呼洶崩浪觸山山爲動

鯨吞蛟鬪爭須臾。什客篙師淚俱湧。揭來稍喜風江平。
江波淡淡江花明。漢陽城邊春色蚤。東風吹徧芳洲草。
行人競指黃鶴樓。夢飛只到西陵道。西陵百里吾兄縣。
河陽春滿花如霰。客路猶違兩日程。弟兄已隔十年面。
吾兄嗚琴不下堂。閣裏江喧近夕陽。寧知江上孤舟客。
新月清猿正斷腸。

射虎行爲黃州別駕宋牧仲先生賦 驅使壯麗

黃州城南萬山赤。巖巖龍嵒樹蕭滅。猛虎嚙人人晝哭。
朔風怒搖山石刺。少年弓箭空在腰。往來山頭看虎蹟。
冬十二月沙草枯。侯騎白馬燃僕姑。駢駢突騎驅郊坰。

青門籠臺卷三 詩三

蒼山日澹黃雲平。俄鳴應手霹靂鳴。霜蹄蹴踏奔飛星。
突豕駭鹿紛逡巡。黃鬚健兒紅抹巾。鼻尖出火煙吐唇。
生縛兩虎躡若神。歸來血洗金鞞鞞。觀者嘖嘖傾城夸。
憶侯陞戟明光日。先皇恩遇曾第一。翠華巡幸侯得
從。輦前飛鞚捷追風。抽筆更賦羽獵作絳灌。隨陸徒庸
庸。自從顛墮飛龍去。一麾出臥滄江渚。江光寒淬呂虔
刀。壯心石沒李廣羽。前者召客開金尊。坐皮問毛驚我
魂。回頭恍惚晴閃爍。至今俛鬼啼荒村。丈夫許國應爾
爾。致身努力麒麟裏。豺狼狐狸敢欣喜。會須澄清報天
子。黃州婦子家。晏眠黃州山高江泚泚。

瀟湘草堂歌贈蔣穎孫

草堂縹緲瀟湘側。波濤千頃玻璃碧。遠山削出銅官青。
夜月寒通洞庭白。草堂主人雅好奇。反閉衡門擁圖籍。
我家距湖三十里。十年相思阻相覩。今年作客來黃州。
邂逅一揖情卽投。長吟短詠屢相酬。黃州五月榴花紅。
楊侯簡菴明府金尊琥珀濃。平頭羽扇搖涼風。千杯轟飲氣
吸虹。踞筵顧盼矍眊翁。酒酣脫帽握我手。索我新詩爲
翁壽。憶翁別家春猶半。草堂歷亂花如霰。計翁還山秋
已深。草堂叢桂露應泫。湖蟹正肥霜螿麤。小槽初滴紅
珍珠。故鄉行樂無事無。接離倒著須人扶。我歸卽理秋
江鱸。有暇更訪湖邊廬。請翁爲沽滿眼酤。尊絲如銀魚
鱖。鱖醉眠還弄瀟湖月。結得法

歲星行贈顧黃公

歲星忽墜地。偶然搏君形。自言使筆如使鷹。

黃公有平生使筆如

使鷹

風沙簸蕩開青冥。雄姿猛鬪八鳥驚。山摧石走股

碎。霆人閒得名。四十載喪亂飽經。一身在黃岡。王生

如宗

向余語。弘光年間事。親視黃公年。紀二十時。赤手持書

扣天鼓。此時馬阮勢熏天。中涓官奴氣如虎。金紫橫被

輿。僮身貂璫遍插秦淮估。刑章縱騎方紛拏。列鎮旌旄

日。齟齬囊粟不救臣。朔飢眼前時事多錯忤。軍聲一夜

沸江千山走蒼黃七寶鞭黃公脫身亦東下耕種要離
墓上田亂定還家十年後草堂蕭瑟斬江邊鶴裘典盡
無酒錢蹙額文君明鏡前黃陂明府今詞伯邀君十千
傾不惜君來半月未相識令我蚤夜心惋盪黃公磊落
固絕倫郇生未是無心人我願識君面君先交我神文
章意氣山嶽傾我曹肝膽存其真速來相見一絕倒痛
飲便呼三百巡往事翻覆休重陳嗚呼往事翻覆難重
陳

附西陵客舍奉酬子湘見贈之作

顧景星

北地風雅久不作郇子長才尚淪落黃州別駕

宋攸

青門龍囊卷三

詩三

十四

甄瑤篇一見使我心錯愕在時浪蹟清江邊山陰詞
客來徐緘二子才力頗相敵驂騑赤驥爭後先徐當
垂拱無四傑郇比杜甫夔州前布衣高視動千古姓

名往往輕凌煙郇子長才體不一樂府橫吹詫無匹
問年頭白曹子桓歌行再見李獻吉五字長城劉長
卿絕倒高岑七言律武湖六月波搖天武湖令君稱
最賢

楊簡

武湖遺蹟弔黃祖禰衡荒塚埋蒼煙當時

國士盡滿座回頭淚落沾綺筵攜尊更醉魯臺上落
日似見龜蒙巖漏湖蔣翁復好手

穎孫

我讀新詩不

離口賞心獨許元卿知脫帽便醉梁谿酒此時郇子

吟正豪詩成寄我雙錦條。氣雄時擬殿公掣入陣要。
聽田僧超蔣翁咄。惜復助奇潑墨書成頃。刻碑玉闌。
鸚鵡一時叫鶴林。寺花開滿枝。吁嗟往事難重說。四
十男兒空捉搦。生平自有仲連心。全身且剩常山舌。
君去青門臥草堂。我歸雙棹鼓滄浪。異人倘問中郎
遇。應說毗陵邵子湘。

顧黃公贈斬竹篔走筆作歌

龍蛇蟠蟠十尋竹。冰篔削成七尺玉。開絨髣髴涼飈生。
風漪細捲湘痕綠。我聞此竹斬江東。千箇萬箇搖晴空。
青天乍疑風雨至。雲氣恍惚瀟湘通。斬人伐竹當嚴冬。

青門簾櫳卷三

詩三

五

鑿冰浸入鮫人宮。馮夷湘娥惜不得。驪龍潛藏蛟子泣。
開春緝織寒晶瑩。玻璃一片光猶濕。故人貽我拂拭寬。
珍之不減青琅玕。我歸高臥草堂上。石枕匡牀六月寒。
昌黎一府傳看黃琉璃。未免僉父。

苦熱行客黃陂官舍作

祝融鞭龍海水沸。雲旗晝翻赤鳥翅。身熱鳥墮何毒淫。
石鐐江枯豈天意。塌來作客當炎蒸。幕下蹉跎苦羈紲。
襤襪已覺拘形骸。簿書况復紛填委。夜立仰視高星河。
晝眠對食屢歔歔。我聞峨嵋積雪千丈餘。層冰峻嶒不
到地。又聞泰山突兀五株松。叅天黛色流雲氣。安得俄

頃驅眼前松根。嚼雪差快意。忽憶草堂江之南。拔天老樹。茅簷倚童童。偃蓋飄涼雲。冥冥低柯撲寒翠。長年三伏草堂居。利頭跳足樹下睡。此間婆婆兩古槐。蒼皮剝落枝幹摧。有時把卷憩其下。飄風往往東南迴。但恨湫隘乏遠勢。令我不得開胸懷。發狂大叫胡爲哉。柴門獨樹清溪隈。散髮扁舟歸去來。

留別楊簡菴表兄

君之從姑我生母。廿年前事猶能語。我昔多疾年尚孩。外家骨肉兼哺乳。舅氏憐余兒子行。姓名忝竊諸兄伍。余孺弟子員猶襲母姓十餘年閒時事變。白髮高堂哭翁嫗。龍蛇

青門籠篋卷三

詩三

六

厄歲嗟堯篋

靜山兄以乙巳捐館

牛馬下走羞羈旅。前年秋踏歌

風臺。吾兄攜客金尊開。半醉呼鷹芒碭澤。羈禽叫鴈紛徘徊。今年春上黃鶴磯。磯頭楊花如雪飛。弟兄九載一相見。昏黑張燈促華讌。弟鬢甦甦兄髮星。喜極翻看淚

如綫。驥子今來共我長。呼出掛我我亦美。聰明已踟率

更碑。炯炯瞳人秋水濺。愁胡勁翮待霜飈。駒齒龍文警

擊電。吾兄意氣凌青霄。結交往在多賢豪。江南蔣生

新句好。客中相見頗傾倒。斬州顧生亦後來。歌詩卓

聲波瀾老。擘窠大書誰最能。虎頭詞翰嗟絕妙。時時角

技酣馳暉。擊鉢叉手忽狂叫。非地主。才且賢。我曹安

得其談笑，別家六月昨得書。經旬眠臥惡懷抱，子病妻
憂歸思苦。高秋行鼓滄江棹，我歌今昔情鬱紆。感兄厚
我常人殊，兄行蚤晚承明廬。弟歸草堂松菊蕪，臘月天
南冰雪少。看取斬江雙鯉魚。

憶昔行贈楊陶雲左遷新建丞

先皇昔御明光宮，射策袞袞來羣公。題目親書付三老，
江都天人誰最雄。楊子此時年甫壯，侍臣宣詔傳呼入。
殿前奏對氣凌雲，秘書學士徒逾選。紫陌麒麟誰不美，
一日五侯爭看而朝天。勅賜珊瑚鞭，陪仗數撚僕姑箭。
先帝天馬來渥洼，桃花珠汗黃金羈。囊沙五石壓仍健。

青門籠囊卷三

詩三

七

期門羽林不敢騎，是日韝出獵場上。奉詔翻身捷若飛，
騰蹕滅沒三百里。從官惆悵先皇咨，自矜恩遇長如

此。鼎成奄忽飛龍起，侍臣漂泊哭遺弓。聖主新恩收墜
履，宣室從虛賈生席。南昌應有梅尉里，南昌秀壓匡廬
寒。香爐五老青巒岫，大姑山邊帆影落。彭郎磯頭江月
殘，白門秋盡催驪歌。勸君痛飲百叵羅，不須對此更沾
裾。榮枯翻覆無事無，君不見皇陵白露草已蕪。叅天松
栢夕啼鳥。

地震行

紀異詩只好如此妙，有舍蓄

沿灘之歲戶瓦未鼓，妖中夜西北至。碎甬只愁坤軸翻。

東窓燧揚塵沙簸蕩十日奔雷車傳聞山東禍尤烈
郊城平原屍如麻前月經天垂太白邇來白毛生一尺
閭門童謠真有無妖異從來不勝德野夫覓紙書時日
彼蒼回斡君相力

楊芝田攜惲正叔見訪因過芝田小酌作歌贈惲

高城春晚煙花亂芝田攜客來相看一揖問姓已知名
喜極驚呼把君腕看君磊落風格奇前身詞客兼畫師
五嶽凌嶒五拳石渤解縮作險壑池一山一樹動高價
畫成搖筆題新詩芝田好顏而見我情不疎巷北十餘

青門籠彙卷三

詩三

大

步要我過其廬三人細酌松窗虛娟娟新月流空除酒
闌誦君客越草長歌短吟驚絕妙芒屨行纏殘臘歸奚
囊剪取錢塘嶠吟詩恍坐冷泉亭髣髴冷泠聽飛瀑山
靈吐舌不敢收猿鶴至今紛叫嘯人生會合良有神論
交俄頃情已親卻憶龔生仲震吾畏友說君往往不離口
人事經年識面難胸中記憶亦已久美君墨妙古誰比
伴土寫真定可耳卽買東絹三丈餘煩君貌出我與子
櫻欄笠子羽人衣杳然對坐丘壑裏芝田拍手笑不止
惲乎卻乎眞知已詩筒遊屐從此始

四川之朔日辛亥駿鳥三足晝曉隄萬象黜榛無晶光
六幘失照委銜轡暗虛薄餽理或然伐鼓奔馳成故事
舊年地動滔洪濤沸鬱蛟龍齧清冀魚跳入釜竈產龍
十城九城空晝閉哀痛罪已感我皇山東父老今垂淚
宋星徙舍由三言聖朝不合屢災異沉吟茲咎蓋有因
奉行職在良有司去聲安得詔書不掛壁農盡耕田牛服
輓追呼無隸夜打門星爲舍譽卿爲雲我今欲語長吏
與嗚呼我今欲語行復吞

宋芾畫春禽聚曉圖歌

樹梢盛築北風急衝寒走訪朱翁指示我新畫春禽圖

青門籠彙卷三

詩三

九

淋漓盤礴生綃濕乍開已覺春風起曠曠曉日臙脂紫
石家步障金谷園怪底何從移置此細看曲折知無數
百鳥千花亂煙霧雕欄乳燕恰雙飛芳叢蛺蝶空輕舉
含桃枝亞白頭翁海棠並坐黃鸝語就中孔翠何穢襪
繡吭綺翼雲錦披忽然一片琉璃碧綠波淡洳開平池
池中水禽互喚唳鷓鴣鸚鵡兼鷓鴣又畫五楊柳臨池
漾輕煙長條乍拂青蘋轉遊絲只益東風顛朱翁爾畫
眞值錢四座頓覺寒暄遷開花爛熳似滿眼耳中髣髴
聞雨關我聞呂紀善寫生禽鳥翎羽囊隨身所以工貌
不日忘刻畫精巧微失眞後來林良用水墨孫龍學之

亦效顰雖然淺淡別有致歲久黯靈無精神何如此翁
善塗抹筆所點染看如活更人正妙大兒朱九陽寫照亦第一近
來爲我圖五真青門山人呼欲山看罷出門迴蕭瑟斜
日轉微風轉妍安得吹律回青陽坐聽春園啼百舌

自題五真圖歌

起語突兀雋快全首排宕

生不必馬與牛死不必僊與佛偶然七尺落吾手老作
乾坤一狂客梁谿朱生好事者一于思翁貌以五傳神
頗誇阿堵妙鑿竅只愁真宰怒初畫東軒展卷圖空翠
洗出雙高梧手翻一編石根坐欣然不覺難字過展卷
村墟布穀啼五月此時科頭腳不襪柳陰箕踞披其襟

青門簾櫳卷三

詩三

看驅烏犍衝雲發課耕忽然杳嶂青連綿綠玉拄杖凌

蒼煙疑窺少室樹恍躡太華蓮恆山衡嶠俱茫然翠色

忽落徂徠巔撫圖壯觀神飛翻遊獻五嶽十年遊未遂

又欲垂竿洞庭水蘆花雪落短蓬白楓葉夕陽遠山紫

人生踪跡有如此垂竿晚作頭陀竟何意兀然枯坐巖

厖翠平生長物百不攜空巖窵窵藤花墜蕉圖于思翁

青門子入門問耕讀出門尋山水丈夫貴是能適意寫

形寫神皆奇耳畫圖工拙何足齒如此溪山吾老矣釣

釣蠟展明年始但能言此亦不易得

我欲把卷心茫然躬耕又少徂
來田高山巉巖溪水惡塵埃何處堪
逃禪眼前灑落青門逸東軒一編呼
欲出水田白鷺三四飛柳根箕踞看
驅犂櫻屨行穿五嶽雲蘆花垂釣五
湖雪忽復巖厓跌蕉團君身自是遷
與佛披圖展轉誰爲此冬夏課耕讀
春秋恣遊履青門意欲明年始乾坤
放浪三十年瞿曇投老方足矣吁嗟
七尺真幻軀反覆變怪何事無只今
暫塌青雲途終當翔佩承明廬朱生
好事胡爲乎不然五真之圖君果踐
我亦從此開生而

前題

兄

贊

幼節

青門籠彙卷三

詩三

主

絕羣之韻本超逸蚤卜東軒竟餘日
石牀一卷時促鄰乳桐篇竹當軒綠
灑灑竹閒水流續听然微笑示以目
阿咸烏頭而牀立心知不言似請益

展卷圖

深柳布穀呼朝課手據雲根腹坦坐
烏犍叱叱衝雲過白鷺二三掠水飛
欣然高詠懷新詩解顏自勸老農疲
疲時各給酒一斛莫學少年空佩犢

課耕圖

已將山水屬家人竹杖布袍秋復春
有生不負淵明中世閒几席多危路
何必層巒窘故步蹣跚櫻屨從今去
三十年來成放浪風日佳時看此像

遊嶽圖

千縷煙蓑一葉舟竹竿嫋嫋沙汀頭
汀蘆隱約舟尾

空茶具筆牀青幔隔回首夕陽楓樹赤道是方洲小
景耳洞庭日夜風波裏注目枯顛或有以垂竿圖

瞿曇此日堪投老枯坐千峰一身小而面青巖青不
了振衣欲拍洪崖肩藤花簌簌飛巖卉朱子邵子心

茫然問君良久不開口三尺蕉團亦何有蕉團圖
讀畫樓歌寄周櫟園先生并敘

櫟園先生讀畫樓在金陵秦淮南峰巒環翠煙雲嵐
樹朝夕異態樓中貯古今名畫千餘幅或取元人讀

畫似看山看山似讀畫句賦詩美之先生遂以名樓
一時名人皆有詩余作此歌

青門籠稟卷三詩三 五

先生近卜秦淮築高樓恰對青山麓當窗碧嶂三四峰
插架縹緗一萬軸主人愛畫兼愛山山色堪凭畫堪讀

讀畫樓成映香山遠巒嶺登樓髣髴畫圖看得非黃子久或是
沈石田後來好手不易到畢竟二李與荆關有時晴窗

一散帙屋裏轉驚嵐霧濕空翠明滅三山煙素練微茫
江水急先生此時映簾坐讀畫看山無不可注目山傳

畫手神讀畫卷香山縮柳畫秋奪青山片趣盤礴那知畫與山杳冥但覺
精靈聚猿狄呼嘯熊兕啼松風瀑壑愁雷雨我聞先生

畫癖真絕奇破縑敗絹爭高貲丹青好客悉羅致物聚
所好良有之乃知鑒賞心尤苦才士逢君亦如此大澤

蒼芥饒龍蛇。珊瑚晶瑩山海底。忽憶秦淮追昔遊。烏巾紫綺舊風流。清秋興發滄江棹。一訪秦淮讀書樓。

沈君行

并敘

沈君名壽堯宣城人順治乙酉七月從故中丞丘公

德祖起兵尋敗自剄死壬子三月其子泌來毗陵要
衛作此詩距君之死蓋三十年矣泌字方鄴以詩名
妖鳥飛啄大明門浮江五馬同崩奔一馬化龍翻作豬
鯨鯢跋浪江淮渾乙酉年開月建午天塹千尋沉鐵鎖
結綺纒嬌張麗華雀桁先入韓擒虎東南處處揚旌旄
圖讖紛紛說卯刀寧國城頭畫吹角健兒身手爭咆哮

青門籠臺卷三 詩三

三

誰其帥者丘中丞高牙繡蝥駘錦袍沈君昂然草閒至
長揖中丞坐論事攝衣便屣滅洪血據鞍奮飛魯連矢
當時犄角金

太史

聲

與麻

文學

三衛

異軍蒼頭紛特起七月風

靈吹動地城中歛吸軍聲異壞雲壓營牛馬驚空脊欲
張鼓聲死沈君獨出騎驕驄十盪十決怒裂背暴屍
革此其時納刀鞞中氣益駛男兒要是能殉國軍敗死
耳不可辱回看從騎逸奔星七首推胸血出漉戰罷白

日慘晶光烏鳶晝呼啄人肉丘公公同喪元麻生藁
街遭殺戮四海車書又一時諸公烏莽精靈哭沉吟此
事三載人間膺有孤兒在相逢重話弘光年不覺吞

聲涕如磧同時豈無諸大臣財金拖玉袍麒麟開門納
降馬首迎而翁死緩一諸生嗚呼而翁死緩一諸生

五人墓行

流麗婉暢末幅何限悽愴

春光澹沲山塘路遊絲晴絮嬌芳樹路旁糾落三尺碑
云是前朝五人墓借問五人誰中央突兀顏佩韋東西
四塚排纍纍墓門畫鎖松風迴書生曾讀前朝史依稀
能說前朝事天啓年閒歲在寅緹騎四出驚狂獠此時
一舸飛吳間崩韉繡襖來昂藏吏部短衣出就逮

周忠介順

昌觀者擁塞如堵牆轟轟萬口那可辨哭聲震天日色
黃五人大呼奮臂起形勢歟忽厯羹塘誰何一校先橫

青門龍臺卷三 詩三

五

屋中丞卻避御史忙詔收棄市罪激變至今死骨傳芬
芳憶昔逆闖恣塗炭鐵斧銅甕衣冠殃諸公駢首填牢
戶東林首指左與楊復輿就考備五毒尸蟲噬肌不得
葬茲郎切閹奴更灼熏天酸穹祠金榜蛟龍翔鳳闕敢擬

至尊塤龜跌忍立成均旁往往嵩呼九千歲冕旒袞玉
爭輝煌寧知勢歇頓翻覆七尺自絕阜城吭生祠處處
毀斥盡木石估值克邊防豈惟闕祠旋毀撤廿年變故
那能說鼎湖鳧鴈飛滿天鍾山天壽狐狸穴主匣珠襦
夜不扁皇陵白骨愁冬青眼前寂寞一抔土叅天檜栢
蒼蚪鱗半年寒食山橋吐指點飛花說五人

遠遊篇雷別陳椒峰董舜民

高秀得太白氣

四海一杯水。五嶽五蟻丘。高吟狹萬里。長嘯凌滄洲。江
鯨逐浪雪山湧。乘之便欲西南遊。西南匡廬特秀發。絕
頂煙濤混吳越。倒影搖動彭蠡湖。黛碧嵯峨十萬尺。銀
河插地。砢雷霆紫劍倚天截。虹霓前年過此不得上。矯
首蒼茫意促。憾今年會踏香爐峰。坐看瀑布青雲圻。蘇
石剝落藤蘿垂。淵明太白俱陳迹。白鷗隨潺湲浩蕩。何
時還逸興。夢天姥。迴帆拂嚴灘。嬋娟繡嶺。月空翠。白嶽
煙新。安江清石見底。十日可到西湖邊。吁嗟此遊良壯
觀。行窮吳越尋名山。山山靈噏囓猿鶴。寒真宰刺促不得

青門籠豪卷三

詩三

五

閑廿年夢想。願始踐扁舟。欲征心悠然。眼中交遊誰最
親。知已獨數董與陳。欲別惜別愁沈。瀾出門。八月霜。楓
斑江荻。瑟瑟江鴻翻。有音倘附秋風翰。

寄方邵邨侍御

前年何處與君別。南浦帆檣芳草歇。今年何處我思君。
白鷺洲前木葉曛。秋風矯首金陵陌。悲吟弔古空陳迹。
啼鳥寂寞景陽樓。海燕淒涼江總宅。江北江南繫客思。
蔣芽荪葉正叅差。去憑估客蘭江鯉。乞寫中郎黃絹碑。

龍雨詞效張王體

應。應。對對。對村鼓。迎楊枝。插。

巫舞

闈繞蜥蜴齒鉞鈴烏頭風急起男顏欣欣女顏喜
舉家再拜謝天公豆花作菜不死將來輸得官家租
免向他州驚兒子明朝處賽城隍回頭向妻索釵珥

受業姪璿虞在編次

男 士豫 全校字

士京

青門麗豪卷之三

終

青門麗豪卷三

詩三

共



士京 全校字

受業姪來東許論大

...

...

...

...

...

青門籠臺卷之四

毘陵 邵長蘅子湘 纂

名衡

蕪州 顧景星赤方批點

詩四 五言律

蚤秋訪吳山人二首

已作經年別欣然一面難茶瓜閑話久禮數整人寬樹
密衣分綠秋添閨蚤寒窗中山翠滿欹枕共君看
歸路誰相伴寥寥隔水鐘人煙清古木山色淡秋容雁
影寒塘外村春細雨中重來須九月楓葉未全紅

高郵別陳簡儒便附家信 淺淺語自佳

青門籠臺卷四 詩四

一

夕裏過重九羈愁一夕新不堪明日去更別故鄉人暮
雨孟城樹疲羸沛縣塵平安煩寄語老父恐傷神

百感

百感中宵集起行秋月殘蟬啼霜砌冷鼠竄葉聲乾儉
歲謀生拙微軀救過難高吟履霜操清淚落潺湲

十六夜桃源立秋

今夜仍圓月荒城驚蚤秋邊淮一葉下高樹數螢流水
闕虬龍動堂空蟋蟀愁遙憐兒女語應說過揚州

任城飲胡氏嘉樹堂

濟上停征騎淹留十夜情高槐微雨過石榻晚涼生冰

浸葡萄紫蟻浮桑落清午逢翻惜別未覺客愁輕

別友

策馬清秋裏逢君泚水涯開尊同是客寄簞偶如家嶽
樹晴天出河帆細雨斜淒然分手處直北是京華

津門雜詩五首

津門詩氣魄處最近少陵

軍城獨臨眺雉堞俯蒼茫樹擁千檣雨秋嘶萬馬霜海
色搖空白河流倒檻黃自來三輔地南北倚金湯
莽莽危樓望荒荒海氣昏磬弧翻夕照苜蓿滿秋村吹
急駱駝散城陰雁鶩喧還應益愁思風物異鄉園
九河爭一線百里見排檣海煮牢盆雪江浮粳稻香西
風縣蟹筍連竿嫋魚梁形勝重回首旌竿動夕陽

青門籠臺卷四

詩四

二

起語十字耳開闔千里

驛樓楊柳外使節日誼傳冠蓋燕齊望帆檣楚蜀連誅
求看漸急戰伐已多年蒟醬無勞問蒼生涕淚前
清秋荒塞客黃葉擁孤吟地滿俗無井城空海易陰登
盤津蟹賤御裕旅寒侵裘敝管緜澀霜花冷劍鐔

憶家

忽憶柴門迴秋深粳稻黃芊青饒冒雨柿赤落經霜鄰
火寒春急新芻麴米香旅顏應使破作計理歸航

秋日作 自然好

青山澹秋景黃菊煥蕭辰節候已如此孤懷誰與親半
庭風落葉三月病眠身頗有新筍熟牀頭挂葛巾

先人墓松植三年矣冬日掃除悵然有作

新松三尺許接葉漸成行和淚人頻到攀條痛未忘暮
雲原草碧霜葉墓田黃回憶趨庭日翻增老大傷

草堂雜興八首

學農兼學圃不愧楚人居渚稻白新熟畦蔬荒自鋤迎
霜登好粒先雪蓄瓜菹家世爲農舊勞生轉自舒

事往閒尋憶猶驚三木魂登車當死別還里愧生存

江奏銷案起被逮者三命托長鏡在詩稱無佛尊塞翁忘

青門籠彙卷四 詩四

三

慮久得失更休論

偶然乘興出孤棹五湖邊鄧尉梅花雨銅官茶笋天暫
任逢僧寺忘歸聽瀑泉筆牀兼茗椀眞作釣魚船

無緊要有風味

老諳農事亟穫稻趁晴天瀨減霜痕落山曛楓葉鮮
喧爭拾穗村晚泄孤煙歸徑柴車夕籬門新月娟

我已微名誤猶矜敝帚存長吟詩過日自剪紙招魂鴻
雁飛傷繳豺狸喧近村敢言龍性舊放擲任乾坤

龍鍛誰言性鴻飛久已冥寒狙隨拾橡山雪獨鋤苔混

俗成吾放全身忌獨醒筵尊何必問生計合漁汀

柴門延眺久墟里。遍斜暉。獨樹晴原小。千山風葉稀。鳥
度寒煙沒。人歸溪路微。老閒相識農談意。不違
小築營茅棟。籬斜對國山。藤陰縈屋老。樹色到門閑。楚
竹青千箇。溪流碧一灣。吾廬真自愛。飛鳥倦知還。

客有談義興善權之勝者

聞道龍巖洞。靈根玉掌縣。撐空削碧乳。霽墮青天雷。
火書檐柱。仙人種石田。春來擬蠟屐。攜句國山巔。

陳柯亭過草堂

荒邨十字澹語可味

炙背牆根下。冬暄愛夕曛。荒邨無好客。把卷卽思君。柴
柵牛羊巷。霜原麋鹿羣。相看慙幽興。細酌對論文。

青門籠臺卷四

詩四

四

蕪湖道中霧

宿霧霾寒日。肩輿問曉途。衣沾細雨溼。僕語隔煙呼。浦
口低雲樹。湖邨入有無。鳩茲江路近。蚤晚理輕鱸。

蕪湖放船

日斜輕浪穩。放棹下蟻磯。晴指三山近。風看五兩微。天
浮遠。江去鷺背夕。霞飛薄暮聞。沙雁春風正北歸。

江急

江急雨冥冥。江豚吹浪腥。濤奔遠岸白。峯逐去帆青。楚
戍春低樹。灘舟火聚星。長年趁風便。向晚更揚舲。

吳楚一汪共波濤九派分湖光寒目白廬嶽曉常雲虎
鬪荒邨跡猿啼落日閒琵琶亭廢久楓葉正紛紛

放船江急九江諸作體韻俱高無一字落中晚

喜晤楊簡菴表兄小酌話舊

十年驚一面悲喜百端侵兩地存心淚今朝兄弟心杯
中燈燼落花外雨聲深潦倒吾何恨詩成作楚吟

贈楊臨臯表姪

昔別尙童穉今來長竝肩漸驚我輩老轉覺後生賢官
舍一杯酒春江百丈船客愁正漂泊須汝定周旋

酬顧亦方招提雨後見寄

青門籠臺卷四詩四

五

雨洗高天碧江城生蚤秋故人頻記憶得句卽相酬
飯香依佛鐘聲暮倚樓客懷牢落甚悵爾共淹留

起語高曠在王孟集中不可多得

登廻瀾閣

落日維舟後危樓獨倚欄波搖三面白峯插隔江青鈴
峒潮聲合魚龍佛座腥向來征戰地列艦近前汀

河橋別蔣穎揆

亦知暫分手情至一沾巾江漢同歸日河橋孤棹人客
裘經雨溼交態對君眞秋色看乘典西湖理釣綸

走訊龔仲震因憶凶友管其玉蒼老

人事經年別驚心各鬢蒼謀生共鹵莽旅食總淒涼酒
態今能否交情老易傷山陽懷舊意相見定沾裳

東臯卽事

遲日煙花亂暄光逐望迷好花多照水幽鳥各成啼
斷笋園丁至攜壺石磴低興移忘去住落景女牆西

哭楊簡菴表兄楊以黃陂令卒官五首

思君忽痛哭轉憶別君時斜日同杯酒秋帆送遠詩那
傳前月訊便隔九京期黃鵠磯頭路傷心舊別離

一死只如此悲君萬事非萊蕪貧到骨婚嫁願仍違雲
蠹吳山暗天寒楚樹稀途窮兼歲暮盡室竟誰依

青門籠彙卷四 詩四

六

急難憐車子

車太史萬育公門下士

艱危見至誠一棺依古佛百

口託門生天闊瀟湘晚魂歸波浪驚獨慚磨鏡客生死

負交情

死更無家在貧還急舊逋孤兒貧拮拾僮僕困追呼漢
水原連峽岷江自到吳幾時丹旆返啼眼望俱枯

辛苦西山戍王師血戰頻送徒躬涕淚轉粟石磷响斤
埃連籬穴烽煙暗錦津可憐勞吏死孤績竟誰論

公西山轉

餉功未敘

得楊陶雲豫章書卻寄

名豈微官減詩看別後多帝關愁虎豹客舍傍鼃鼃嗒

酒陶彭澤投湘楚汨羅先朝元侍從漂泊幾悲歌

移褚道士山房梧桐植東軒 幽致自別

攜鋤新雨過種樹熏風初側近幽人榻來從羽士居碧
浮書帙淨涼入茗甌虛欲遲新月上清影定何如

哭亾兒士騷十首 逾真逾苦我亦欲淚下

苦憶臨危日髣髴捋我鬢扶攜憐小妹書帙繫長吁語
咽頻流涕心傷數問吾可憐成末訣未肯瞑雙瞞
歷歷生存事追思倍愴神提攜燈下影啼笑夢邊身壁
浣他時墨絲牽未了姻無端關百慮獨夜幾沾巾

記汝懸弧候呱呱逼小年吾盧元日會湯餅洗兒筵歡

青門籠彙卷四 詩四 七

劇家人語啼聲大父憐只今腸斷處墳草蔓寒煙
久客初歸日迎門意可憐挽鬢歡劇舞繞鄰喜應顛骨
月今歸土拋離憶往年空庭時獨立無語倍泫然
誤作一生料吁嗟萬事違長年余旅食幼日汝啼飢舐
續終身痛菟裘百慮非清宵頻絮語相對溼牛衣
遺編繙不忍轉憶課經時過愛翻成薄求全屢受咎一
燈寒夜影十載鄰前兒辛苦成何事酸心我不慈
亦覺悲何益悲來不自知衆中時獨語兀坐忽狂癡恍
恍驚前事悠悠憶見期瀕危還勸汝藥餌苦攢眉

最苦憐渠母怔忡病裏言枕添新碧血藥瞋舊驚魂廿

載蕤鹽痛他生骨月恩傷心風雨夜慟哭幾黃昏
盟柳經旬嬾。衣衫漬淚痕。伶俜餘此日。門戶且誰論。痛
我無兄弟。憐渠是冢孫。昨朝寒食奠。隻立黯銷魂。
過橋成一慟。西北見孤瑩。白雪嬌兒面。黃泉螻蛄營。埜
棠春自發。溪水咽無聲。天意高難問。崎嶇任此生。

雨泊虎丘別賀天山時約遊玄墓不果

七里山塘路。春陰艤棹時。塔籠空翠斷。鐘度曉煙遲。山
好遊難定。交新別易悲。妒人玄墓雨。冷蕊正垂垂。

惠山遊秦對巖太史寄暢園五首

聞道秦園勝。偶然成獨遊。入門幽篠合。穿磴落花留。斷

青門籠彙卷四

詩四

八

塔山池浸晴巒。樹杪浮泉聲。清絕處。漉漉石根流。
嘉樹層軒外。風潭百尺渟。倒浮連檻碧。遠漾一峯青。吹
浪魚兒出。鈎簾鳥語聽。濠梁幽興極。理釣近前汀。
山斷九龍骨。池分陸羽泉。撲簾蒼翠逼。罅石洑流涓。丘
壑原胸次。高深得自然。頗疑文叔記。不及此山川。

九龍陸羽假對精工

鬆漆烏皮几。湘簾白石牀。櫺窗占位置。閒靚頗相當。
老斜侵閣花。欹曲避牆重。來知不厭高。枕足常羊
亦知難。久住惜別爲。林泉便欲買。山隱那如此。地偏魚
鱗花片亂。僧磬石林煙。幾雨平生履。臨風一惘然。

壬子七夕悼女

少年感易侵，弱女亦關心。令節杯從過，清宵涕不禁。銀河依樹直，鈎月抱檐沉。暗壁蛩聲急，淒然入苦吟。

望小孤山 雄警

江流奔正急，拳石削嶙峋。一柱界吳楚，孤根會鬼神。背巖腥聚鳥，過樹白知人。不盡探奇興，凭舷望轉新。

上夜

離抱中年惡，况逢秋氣寒。雁纔今夜到，人立楚舟看。月黑蒸蜩霧，江鳴滾荻灘。清宵渾不寐，枕席有驚湍。

別楊臨臯

青門籠臺卷四 詩四

九

杵見纔幾日，悵然君獨歸。一杯今夜月，雙漿故人違。白露衣襦冷，清江稻蟹肥。因君起鄉思，寒夢繞漁磯。

宿棲賢寺蚤起 神韻超然正是唐人三昧

一夜不成夢，泉聲清客魂。微鐘纔出寺，童子蚤開門。西嶺墮殘月，東巖聞曉猿。扶筇松下去，露滴白頭繁。

廬山

飛瀑山山響，層巒面面尊。雲開五老大，背觸九江奔。颺急時疑虎，蘿深或挂猿。精藍隨處好，清磬隔松門。

憇山巷

過澗一鐘斷，僧龕細路邊。開扉延翠嶂，破竹引清泉。松

葉不曾掃寒花隨意妍買山須住此小憩亦悠然

雲開五老大背觸九江奔可謂吞吐壯闊松葉寒花
乃爾清妍老手何所不辦

有康雜詩八首

杌然古名郡不信此荒涼井邑浮瀕岸峯巒插女牆人
驚穿虎豹蛟屢破帆檣獨有匡廬勝銀河掛石梁

戰鬪他年蹟時清尙駐兵鶴鵝衝雪浪鉦柝亂寒更嵐
氣晝兼霧湖光夕尙明地偏凭眺迴似憫異鄉情

九日今朝是霜林步履重縣青千嶂合徑誤一花逢獨
立遲過雁孤帆落暮鐘東籬此時菊爛熳幾芳釵

青門麗臺卷四 詩四

舊說廬山好清秋憫眼前有峰皆隱衲無谿不飛泉劍

逼青天破簾垂玉煉縣山有雙劍扶攜老藤杖擬上漢

陽巔漢陽峯廬山巖高處

牢落南康客秋風去住迷郡當孤石出堞壓萬峯低生

事羞雞肋空城邱虎蹏故園前夜雨紅葉正平蹊

冠蓋此邦少荒城蚤上關波濤撼星子風雨失匡山府

王寒喧數江邨楓菊斑草堂三徑在淹泊未知還

一句秋雨暗今日曉山清物似含新態天應豁旅情過

雲丹嶂麗盪日碧湖明正有登臨興青鞵會趁晴

殘堞臨無地危欄此倚樓沿堤圓網聚落照半湖幽蒼

雷匡廬幻風濤左蠡愁傳聞石鷄子厭勝鑿金牛

湖中石鷄

子屢破舟郡守廖公文
英冷鐵柱牽四牛鎖之

對月

他鄉又月圓對月一潛然章貢殘年棹冰霜埜堠天鄉
心微醉裏客夢曉山前髣髴流黃照高樓淚點縣

虎丘喜遇賀天山 清空一氣如話

相見忽驚喜相逢本不期五年前此地風雨別君時
鼓秋仍急漁樵路總疑百年能幾會珍重各題詩

贈董舜民孝廉二首

黨禁真能解公車有故入上書多難後複壁十年身霄

青門籠彙卷四

詩四

十二

漢盤秋隼江湖縱涸鱗主恩原浩蕩不是爲黃巾

握手重逢地蒼茫立語疑短衣京口雨殘帙薊門詩落
日驚烽燧涼風動鬢絲蓬蒿三徑在遲爾話心期

長至夜黃艾菴龔瓊霞岳邁亭陳椒峯諸子同集

二首

節序緹灰候山川戰鼓中羽書連薊北驛騎斷巴東亂
喜親朋健愁吟酒酸空十年艱此會相對燭花紅
戍角斷霜天梅花對綺筵寒星垂戶澹壁月隔宵圓
顧還吾黨兵戈又歲年不須添繡線涼倒客愁牽

青門籠彙卷之四

終

青門籠彙卷之五

毘陵 郤長蘅子湘 纂一名衡

蘄州 顧景星赤方批點

詩五 七言律

望太湖二首 全首警秀松茗橘柚借對絕工

東南萬派具區尊。底定千年禹績存。點點青峯汎鳧鴨。
皚皚白浪吼鼉鼉。松茗水外疑無地。橘柚山中別有邨。
惆悵鴟夷從此去。空祠何處薦溪蓀。
七十二朶青芙蓉。晴天亂插碧湖中。玉柱金庭杳人境。
十洲五嶽應潛通。紫芝何處訪身里。白鹿導我尋毛公。
好待秋風放船去。筆牀茶竈隨孤篷。
格高

青門籠彙卷五 詩五 一

卜 晚晴書懷

北語有氣

林塘過雨水爭流。五月微寒氣逼秋。天外斷虹看倚劍。
簾前芳草獨登樓。青山不盡窮途恨。白日長縣萬里愁。
磨盾棄繻年少志。誰憐老大滯滄洲。

和吳山人仲立埜眺見懷之作

翻風麥浪棟花天。乳燕鷗鷗嬌可憐。啼鳥不飛殘雨外。
人家多住夕陽邊。哦詩埜徑搘筇杖。乘興清溪上釣船。
相憶好貽招隱句。五湖蕪菜紫初圓。

寄題華陽山館

茅山道士幽棲處。瓢笠翛然白石牀。春盡落花流澗戶。
秋來寒雨滿華陽。欲從茅氏參丹訣。便入藍田試玉方。
笙鶴夜深過嶺去。仙人洞口月如霜。

夜泊京口

驚濤如雪大江聲。估客帆檣鐵甕城。暮雨瓜洲人北去。
秋風瓠子雁南征。寒潮夜落鼉鼉窟。曉吹晨喧鵝鵲營。
應是年來新血戰。防江添駐水犀兵。

彭城懷古

落日秋風古戰場。河流無恙霸圖荒。寒花幾處依殘壘。
山郭千家動夕陽。戲馬臺空衰草白。歌風蹟在斷碑黃。

青門籠彙卷五 詩五

二

沐猴逐鹿俱遺事。夜夜啼烏上女牆。

登歌風臺懷古

起高老結有感慨

芒碭真人乘赤龍。故鄉行幸有遺宮。壁埋蝌蚪荒碑在。
木落牛羊寢殿空。湯沐百年歡父老。衣冠十日擁兒童。
淮陰已檻黔彭醢。慷慨何須悲大風。

送友之貴州觀察二首

盤江路出蜀江長。萬里牂牁古越裳。藥物去兼衝瘴癘。
行厨飯亦薦檳榔。月明貴竹稀逢雁。山暖桐花自落霜。
此地由來秦郡縣。莫令雨露隔炎方。

官船簫鼓大江濱。嶺樹千盤出粵津。雞卜百年供烏鬼。

馬留三戶自華人。寧惟椰酒誇蠻女。夾道山花撲漢日。
見說孔明遺廟在五溪。官長未難馴。領聯看出看
入都有味

望鍾山三首

先朝陵墓對天壇。紫氣鍾山尙鬱盤。大壑扃雲龍虎臥。
陰池積雪雁鳧寒。豈有祠官供俎豆。仍聞廢殿鎖衣冠。
霓旌想像曾遊地。輦路淒涼瀉急湍。

覆舟幕府

二山名

執厓義高廟。弓顧此地悲哀經。千年埋

玉筮。中天羣帝閃金支。公杉晝裊虬龍動。雷雨宵寒虎
豹噫。賸有故宮離黍。行人下馬奠椒瓠。

陪京雉堞迥蒼然。重憶高皇逐鹿年。汗馬北騰穿碣石。
長虹南倚劃吳天。鼎湖龍去離宮鎖。複道花繁紫禁偏。

青門籠彙卷五 詩五

三

悵望寢園今寂寞。橐駝秋牧孝陵煙。大好氣格

自孟城渡揚子江

起句氣力聲格都到

孟城西面黃山北。五兩帆輕過鎮江。江勢全吞吳徼闊。
潮聲直到海門降。曉鐘遠岸瓜洲樹。暮雨連檣估客艫。
南北近來添戰壘。城頭烏尾動旌杠。

望岱

鳥道高懸十八盤。遙從積翠辨巒岿。晴樹擁天門斷。
洞壑崢嶸明月寒。紫氣定縈秦觀出。白雲應徇漢封蟠。
何當手剔磨崖讀。矯首秋風憶羽翰。

蚤春楚遊寄懷莊澹菴宮庶

病起逢春纔十日扁舟遙指鳳凰山長貧妻子輕離別
遠地交遊多厚顏渡口落梅浮客櫂江程暮雨出蕪關
憶君高臥東山月把卷行吟興未閑

貧寒馬當值雨三四遍杜五批

淄淄江雲午不開山根崩浪蹴天厓雷砰峽束蛟龍鬪
雨急江翻鵝鷄哀豐嶂回看湓口失奔濤直嚙小孤廻
瞿塘濫潏何如此板枕真憐三老才

潯陽舟中憶龔仲震久客邢襄遙寄

邢臺秋色悵離羣楚水春帆獨憶君暮雨啼猿溢浦樹

青門麗棠卷五詩五

四

風花歸雁石門雲鄂王城北孤篷遠豫讓橋西流水分
兩地牽愁同作客題詩萬里淚潺湲

送友歸附家訊是錢劉境地

去住都愁心事違送君惜別淚沾衣對牀官舍三更話
細雨春帆明日歸水驛棠梨寒食過江城楊柳故人稀
貧家舊住清溪曲芳草閑門正掩扉

曾臺山春望山爲二程先生讀書地

柳碧鶯啼滿水隈山從樹杪出層臺川光晴抱孤城轉
春色青延遠嶂來斜日荒林羣雀噪春風古塚一花開
先生杖履曾遊地雙鳳亭空角暮哀

送車孝廉下第歸邵陽

春風憔悴別京華，歸去湖南枳殼花。
嶽麓夏雲迷楚望，湘潭樹影出星沙。
孤帆青草愁邊路，明月黃陵夢裏家。
到日萊衣歡自舞，莫因留滯重吁嗟。

贈別顧赤方

正是作者

屈指交遊吾自見，別離對爾泮闌干。
百年天地知音少，去日風塵會面難。
江漲魚龍颺浪闊，秋深鷗鷺傷舟寒。
把君詩句長懷袖，後夜相思珍重看。

留蔣穎揆信宿草堂

握手留君三日住，別離已是隔年看。
同舟江漢開懷久，

青門簾櫳卷五

詩五

五

臥病親交見面難，出芥焙茶瓷盃碧。
經春竹葉玉缸寒，極知供給貧家儉。
紅藥蒼苔滿石欄。

和楊陶雲感懷時左遷新建少府三首

憶侍先朝供奉行，從容陪乘賦長楊。
勅騎天馬中官轡，歸撤金蓮御座傍。
恩譴百年憐賈傅，孤臣中夜泣章皇。
園陵萬里龍山北，白露清秋寢殿涼。

滕王閣下贛江迴，近侍移官佐掾來。
執政自應持大體，至尊誰見不憐才。
豫章綠樹冬仍碧，滄口清猿曉易哀。
不似長沙卑溼地，汨羅詞賦未須裁。

三四感慨深渾

汝從移疾臥煙蘿，幾載麻衣廢蓼葦。
海內君親餘痛哭，

大南魍魎答悲歌。潮吞章貢江聲急。翠削匡廬郡崗多。
想見元嬰遺蹟在。珠簾畫棟近如何。

蘇軾走簡楊芝田乞芍藥栽 率爾語風味自勝

楊子玄亭紅芍藥。秋來爲乞數株栽。開春爛熳卽滿眼。
細酌吟哦定幾回。簷外翠屏當檻出。鄰家綠竹過牆來。
巾車肯識柴門徑。豫擬花時與醞醅。

蘇軾舟訪蔣穎揆瀾湖草堂

鷺立流澌傍客船。日斜帆影落葭汀。屋西瀾子湖光白。
天畔銅官暮靄青。戎馬故園今夜月。圖書半榻草堂星。
巡檐梅蕊垂垂發。坐嗅寒香倒醞醅。

青門籠臺卷五 詩五

六

送張大再之黃州經紀楊簡菴

張爲簡菴內弟

蟾月纔回江口棹。新年重上漢陽橋。愁看雪色湘潭暮。
欲折梅花庾嶺遙。生。死情親餘妙弟。孤嫠痛爨又元宵。
羊曇亦是西州客。和淚題詩寄暮潮。

題蜀山蘇文忠祠

青岑碧樹閉空祠。宅當年蜀客思菴。畫溪如看錦水。
銅官山似對峨眉。嶠花濃。莖徑低飛蝶。身語深春半子規。
鶴筆角巾遺像在。風流異代足吾師。

喜楊陶雲暫假歸里同飲春曉閒看梅

前歲分攜彭蠡雁。此時同看故園梅。窮途骨肉還今心。

幾許悲歡到酒杯。欲落不落纖月動。將開未開疎香來。別後相思那能寄。清吟冷嗅重遲迴。

劉須溪所云人人有此只寫不到正坐著力

送董舜民孝廉董將以訟寃伏闕二首

名士棄春入雒裝。吳姬小店酒杯香。征衫細雨聞鷓鴣。急漿飛花送夕陽。黨禁朝廷終易解。名流海內幾醒狂。灞陵到日垂楊碧。短葉長條憶故鄉。

麋麋楊柳正堪攀。寒食尊前慘別顏。吾道風塵工伏枕。清時虎豹豈當關。江南夢度鴻邊月。薊北青來雨後山。梁獄書成應力上。龍泉紫氣斗牛閒。

青門籠臺卷五 詩五

七

酬陳柯亭送別之豫章作

藤笈殘編上楚舸。蒼蒼客路入青楓。尋常累月同杯醖。容易清秋賦轉蓬。嶽頂石銜冬夏雪。宮亭帆折往來風。宮亭湖神能分風劈流憶君何地堪垂淚。月黑空江有去鴻。

登吳城望湖亭 老氣莽兀吐吞江湖

鄱湖湖合贛江流。倚檻江湖望轉幽。湖勢北搖匡嶽動。江聲西擁豫章浮。魚龍晝嘯千艘雨。日月晴縣一鏡秋。回首戰爭曾此地。荻花蕭瑟隱漁舟。

此猶髣髴神龍景雲風格在今日爲廣陵散矣

駱成菴招飲豫章寓樓談次頗及會稽之勝

逢君孺子古亭旁。砥地悲歌解鷓鴣。蕝餘生仍涕淚。
成卷獄事方解乾坤吾道一滄浪。高樓雁到憐今夕。片月尊前
仙。故鄉港話永和名。勝在春帆鷗夢可能忘。

寄訊楊少府

豫章消息又經年。估舶書傳倍黯然。伏枕雨聲寒食過。
愁吟酒醖落花前。東湖畫舫西山屐。膝閣文章梅尉仙。
高興比來如舊否。秋風憑寄鯉魚箋。

入春四首

入春及丙辰。五月諸詩沉鬱蒼老深。

得少陵氣格近來此調彈者寥寥

入春雨雪兼雷電。羽檄滇南何太頻。蒙嵩不聞歸使節。

青門麗臺卷五

詩五

八

辰沅是處哭烽燐。桃花卽紅愁爛熳。鸞語猶澀翻遼。巡
春色透迤轉。亾賴東南杼軸久沾巾。

回首春風輦鼓多。飛揚跋扈各橫戈。東甌未得誅餘善。

南粵猶聞帝尉陀。海颶立波昏日月。鯨魚吹霧暗牂牁。

帳中蹋鞠軍中舞。將帥蒙恩奈樂何。

詔書前月徵蒙古。烽火經春照漢川。南顧至尊猶盱食。
北來諸將豈高眠。朝廷議論安危外。都邑瘡痍涕淚前。
聞道皖城頻駐甲。蒼茫井屋少炊煙。

並檐花雨晝霏霏。極目天南涕淚揮。劍閣卽須防割據。

荊州實已困重圍。豎儒謀國原迂闊。紈袴登壇有是非。

藿食杞憂吾過矣。卻驅春犢送斜暉。合如此結。

自題青門草堂

銅官山北具區西。藥圃茅堂望不迷。落照青蒼峰近遠。秋風靡稗徑高低。江湖地僻餘畊釣。蜀山深急鼓鼙。沙碧竹寒相似否。居人休儼浣花溪。

灤東 閒澹正以不著意妙

灤東灤西足水田。僻絕柴扉秋可憐。杳靄雲巒入圖畫。淺深煙樹翳鳴蟬。芋蕪豆花紛被徑。白鯁赤鯉亦論錢。溪上小橋堪繫舫。秋風偶到賣書船。

題冀渭公所藏楊忠愍梅花詩卷 并敘

青門麓橐卷五 詩五 九

渭公大父梅軒先生故官比部郎忠愍。頌繫時先生。傾身橐籥忠愍高。其誼為作此卷。同時周旋詔獄。霸州王繼津太倉王元美及應生。最著先生事。世鮮知者。康熙丙辰渭公來吳。闔出卷示余。蓋百二十餘年物矣。展卷肅然敬題其後。

黯澹細縹墨影寒。那能展卷不沈瀾。當關虎豹糜軀易。畏路風波仗友難。濺血九原仍化碧。批鱗一疏獨留丹。文山詩句看山筆。古瘦清香再拜看。
忠愍有古瘦清香原太始之句

方共樞高齋種竹詩

赤樞碧梧壓石欄。當窗更植青琅玕。月出離礎鸞鳳影。

雨來咫尺瀟湘寒散快乍驚空翠溼抽梢會卽拂雲看
伶倫嶰谷不可遇爲爾徒倚增長歎

其 閱丙辰五月邸鈔書事七首

帝京六鷁退蜚勞都門近有風異狼角依然紫極高肅慎幾時

供楛矢離宮何處種葡萄時詔百官出引矢戰馬孤兒躍馬驕珠

勒相國行邊賜綿袍自古秦關誇百二驚心烽火過臨

洮昔歲受降誰駐伏波營幕府新開郎子城郎陽復設無治北闕捷書

誼道路南來寇騎正縱橫趙佗犀翠無朝使莊躋巴黔

未厭兵銅柱珠崖原郡縣幾時舞羽重昇平

青門麗臺卷五 詩五

十

環海軍儲異昔年見開西邸正紛然崔公臨拜原名士
卜式輸家豈佐邊宛洛北來驚赤羽岷峨西上更青天
帶甲輓輸終坐困王師蚤晚望收川

赤舂銅馬遍江鄉於越年來百戰場禹穴雲深迷兕虎

天台樹黑沸螭塘諸將功名紛節鉞連營鹵獲半羸尪

攘攘荇苳原赤子急須買犢勸耕桑

螺江烽火接東甌海水羣飛更杞憂鑿齒雕題虛譯貢

扶桑析木正橫流黏天黑浪蛟螭喜壓岸雲帆島嶼秋

墊老傷心談已亥青燐白骨爨瓜洲順治已亥海艘闕入京口被禍最慘

除拜紛然草芥疑終南捷徑半潢池天心豈是憐羣盜

廟算今誰整。六師青犢總。騎新檠戟黃巾爭。擁舊旌麾
閭閻惡少飛揚甚。燕頤談兵又一時。
豐隆列缺晝昏昏。三伏深愁坤軸翻。是處鼃鼉遊圻岸。
可憐羸蛛沒空邨。陌錢閒架聞新令。封豕長蛇正薦吞。
三載干戈兼水旱。更無人肯繪監門。

丙辰四十初度久客喜歸

四十頭顱隱未能。鬢髮短髮久如僧。兩年幕府依嚴武。
千里尊鱸返季鷹。豺虎天南紛格鬪。雞豚巷北有親朋。
歸與正好涼風候。隨意看雲拄瘦藤。

山色登太湖西峰

追錄舊作見會
青藜過日集

青門簾櫳卷五 詩五

十一

山色蒼蒼積翠迴。沿綠仄逕入莓苔。嶺邊楓葉藏僧寺。
樹杪飛泉灑客杯。清磬一聲松子落。白雲萬頃太湖來。
三高惆悵俱陳蹟。落日山空樵唱回。

四十頭顱隱未能。鬢髮短髮久如僧。兩年幕府依嚴武。
千里尊鱸返季鷹。豺虎天南紛格鬪。雞豚巷北有親朋。
歸與正好涼風候。隨意看雲拄瘦藤。

山色登太湖西峰

山色蒼蒼積翠迴。沿綠仄逕入莓苔。嶺邊楓葉藏僧寺。
樹杪飛泉灑客杯。清磬一聲松子落。白雲萬頃太湖來。
三高惆悵俱陳蹟。落日山空樵唱回。

四十頭顱隱未能。鬢髮短髮久如僧。兩年幕府依嚴武。
千里尊鱸返季鷹。豺虎天南紛格鬪。雞豚巷北有親朋。
歸與正好涼風候。隨意看雲拄瘦藤。

山色登太湖西峰

山色蒼蒼積翠迴。沿綠仄逕入莓苔。嶺邊楓葉藏僧寺。
樹杪飛泉灑客杯。清磬一聲松子落。白雲萬頃太湖來。
三高惆悵俱陳蹟。落日山空樵唱回。

四十頭顱隱未能。鬢髮短髮久如僧。兩年幕府依嚴武。
千里尊鱸返季鷹。豺虎天南紛格鬪。雞豚巷北有親朋。
歸與正好涼風候。隨意看雲拄瘦藤。

青門簾櫳卷之五

終

青門籠彙卷之六

昆陵 邵長蘅子湘 纂

衡

蘄州 顧景星赤方批點

詩六 五言排律 五七言絕句 六言

應宋常州試閏月立秋

十六歲作

未謝朱明律初回白露颼銀河今夜迴殘暑入秋移斗
指兩辰際閏月無正氣故斗指兩辰風驚一葉時清砧連漢苑團扇
泣班姬歲閏寒來蚤天空雁到遲漸驚搖落候宋玉動
深悲

登郡城西樓因謁蘇文忠祠

青門籠彙卷六 詩六

一

古戍寒花驛秋風蘇子祠女牆銜落照官閣獨題詩水
抱孤城轉帆隨度鳥遲居人肅遺像過客讀殘碑俎豆
還今日衣冠自宋時荒階一長揖風雅足吾師

分賦得琉球刀

碧眼幽州客攜來日本東鉸鑲金錯落飾鞘玉玲瓏血
淬猩啼雨光團雪漩空鷓鴣凝繡紫魍魅泣燐紅掛壁
摩挲劇防身撇振雄風塵未一試每夜氣成虹

送鄭生之楚幕 清穩

子真辭谷口南郡得康成幕府需才子窮冬念此行雪
衝湖雁過木落峽猿清萬里三湘客孤舟一月程題詩

屈子廟倚棹鄂王城。楚戶登漁稅。山畚費火耕。三分留
赤壁。弔古獨含情。

南康酬友招飲見贈之作輒廣來韻兼忬旅懷

江山乍相見。詩卷得知音。許與才雖忝。交遊勢必譏。城
根閑步屨。暇日屢招尋。泉淪康王瀑。壁縣陶令琴。苔香
供石耳。銀鱸斫湖鱖。匡嶽晚逾翠。飛揚典不禁。披圖已
廿載。夢想直如今。峽束蛟龍鬪。天低星漢臨。雙峰駢峩
峩。五老各嶽崑。買隱知無計。安禪恐未任。新交千里外。
舊業五湖濱。黃菊斑霜徑。丹楓繡夕岑。豆棚寒自落。藤
架雨斜侵。蜘蛛網疑窺。帳書籤或走。蟬鷗浮還汎。汎駒逝
已駸。駸家訊江船。寄寒衣鄰媪。維異鄉。重九過涼雨。一
秋深。虎兕縣崖吼。鼃鼃背日吟。風濤頻梗楫。桂玉會愁
霖。麤飯支鐻足。悲歌拂劍鐔。微名原計拙。旅食竟何心。
歲晚鹿門去。空山刷朮蓂。

送陳椒峰謁選三十韻 鋪敘都得杜法

十載東山客。乘時謁帝都。閭閻新涕淚。朝禁正艱虞。出
豈爲小草。名還讓大巫。文章驚郢斲。騷雅薄操觚。江鮑
看前輩。歐曾得並驅。波瀾隨曲折。精力獨鍾鑪。許與皆
詞伯。招攜及埜夫。經年從白社。臘月擁驅駒。冰合黃河
急。雲開翠嶽孤。深林過兕虎。破屋走蹉廳。積雪防埋鏡。

悲歌或碎壺。城高喧畫角。堡近颺蝥弧。憶昨風塵起。羣
公籌策紆。總戎遭戮辱。使節陷腥污。跋扈連三鎮。安危
詎一隅。不成除貔貅。未可息罷羆。巴蜀虛天險。笮箒阻
負嵎。親藩分駐越。大將議防吳。霞嶺行堪據。甌閩勢就
誅。妖氛纏慧孛。架陌困征輸。赤子看須察。黃巾氣尙麤。
立功思寇讐。醫國賴扁跗。公輩宜盤錯。新硎發湛盧。飛
揚看竹素。蹇拙混泥塗。往往悲戎馬。悠悠愧腐儒。柴荆
棲東雀。書帙散童烏。寒日縣漁筍。西風臥轆轤。掉頭吾
老矣。屈指幾相於。膠漆長如此。雲龍願不俱。河梁尊酒
地。揮手向平蕪。

青門籠臺卷六

詩六

三

丙辰除夕守歲用杜句起率成廿韻

四十明朝過椒花。又送年斗杓。中夜轉冰雪。一冬徧慘
澹。立樾會崢嶸。暮景遷爆喧。鄰舍竹桃換。舊時賤節序。
謹兒女團圓。共酒筵酸。驚婪尾到盤吐。燭花妍鬼物。窮
誰送詩囊。祭自虔。蛇應急赴窟。夔亦笑憐虵。銀礫欺簾
入。烏薪徹曉然。荒邨仍鼓角。雪塞正戈鋌。甌粵雖輸欸。
巴黔未息肩。爰居駭鐘鼓。慧孛紀星躔。是歲有風異星變稅歛
年時急。山林引興便。棗春攜骰酒。陶寫賴詩篇。藤杖青
山外。梅花埜店邊。斷蘭兼買石。種竹會分泉。身隱文焉
用名。微累頗捐。浮家桑苧計。婚嫁向禽緣。俗薄從呼馬。

春暗自課捷百年聊爾爾不必問筵籌

五言絕句

江上舟中

我愛數峰青片帆去何疾回首指江天白鳥飛處沒
九日客中

不必登高去羈愁已不堪鄉心隨北雁一夜滿江南
登韓信釣臺懷古二首

函隲方逐鹿此地起投竿猛士今誰在淮流千載寒
功定登壇日機藏躡足秋羞隨噲等伍應逐赤松遊

題畫五首

青門簾櫳卷六

詩六

四

秋色連遠山鳴泉入寒牖借問支頤翁得無漆園叟
瀑布一千尺吹沫沾人衣空山風雨夜化作玉龍飛
松下一老翁松頂雙白鶴撫琴未及彈風吹松子落
釣船繫籬根簪箸挂泥壁夜來春水生船尾高一尺
積雪壓溪橋梅花開幾樹驢背苦吟人應爲探梅去

蚤入杭家塢

草露溼芒履松風吹葛衣清磬出煙岫山僧初啓扉

山中雨後

雨洗峰頭碧龍歸洞口腥斷虹斜照空白翠落衣青

沛縣雨夜

高樹暗流螢。客窗風葉聲。偏陽寒雨夜。獨照一孤檠。

津門官舍話舊 蘇州本色佳處

對牀。通夕話官舍。一燈紅。十年存沒。淚併入雨聲中。

秋寓僧院三首

科頭殘月上。倚樹露光凝。鐘歇僧初定。長廊照一燈。
鳴磬僧徒散。城身下食來。連朝寒雨後。行徑長蒼苔。
客睡寒偏醒。龕燈殘燄明。落葉不曾埽。空階作雨聲。

絕妙語以偶然得之。苦索不能到。

夜坐

愁人夜未眠。殘月照荒砌。坐久墜露繁。涼風動衣袂。

青門簾櫳卷六 詩六

五

入舟婦詞二首

殘月曉風涼。郎睡儂先起。拋兒就郎懷。天明三十里。
儂家閨門住。十三學乘舫。上水郎打槳。下水儂擔篙。

湖漲

湖漲曉煙浮。漁艇煙中宿。日上三竿高。煙消湖水綠。

豆架

牆角幕青蔓。茅簷綴紫花。貧家有客至。豆莢點清茶。

青門草堂八咏

夾山積雪

雪花大如笠。寒吹千林發。曉看鵝鵝峰。疑對峨眉月。

安陽春雨

山晴翠如黛。山霧溼如鬢。總輸春夜雨。潑出米家山。
東岡桔槔

秋風閑桔槔。徒倚東岡樹。落照水出寒。白鷺雙飛去。
西溪喬木

古樹覆清溪。沉沉溪水綠。溪鳥來去飛。孤雲時獨宿。
晴原驛路

古路秋原外。行人夕照閒。君看往來者。寒暑不曾閒。
遠寺微鐘

獨尋蘭若徑。時與樵犢逢。古栢亂蒼靄。空林遲暮鐘。

青門簾櫳卷六 詩六

六

後潭煙帆

冥冥暮煙迷。白鷺立沙渚。鳴榔何處船。帆帶洞庭雨。

東軒竹石

偶然攜卷書。倦倚石根臥。幽蟬時一聲。竹影斜陽破。

七言絕句

俠客

相逢樓下繫青駒。貰酒樓頭脫鹿盧。半醉忽然思炙噉。
髑髏提出血模糊。

溪南

埜夫溪南趁晚涼。露氣夜下荷風香。鴉鵲聯拳宿

撥刺白鯁一尺長

書揚州邸壁

斜風密雨打窗涼。酒醒燈殘夜正長。作客此時腸已斷。
更堪明日是重陽。亦復誰能遣此

北行道中竹枝詞三首

路旁棗赤八月天。打棗女兒亦可憐。北姬慣唱棗竿調。
爭似南姬唱採蓮。

燕支微染杏腮醺。少婦新妝辨黑雲。窄窄紅襦單著好。
喚郎休買白羅裙。

一隊鈴聲曉過河。吳綾千箱向北馱。近日官家禁騎馬。

青門籠彙卷六 詩六

七

長弓大箭坐高羸

草堂晚眺

歸鳥啞啞夕雲寒。落照千村楓葉丹。拄杖霜原時極目。
翠屏削出是銅官。

冬日草堂漫興四首

臥病不出經半月。當門黃葉尺來深。呼童埽葉汲溪凍。
供給寒齋擁褐吟。

青衫蹉跎廿年計。蝸舍狼籍半牀書。哦詩曝背晴簷下。
谷到從嗔絕起居。

舍西爨圃新栽竹。更插疎籬碧水隈。卽看春筍上番後。

一月從過一百迴

霜凍日斜景易昏
埜夫竟日掩柴門
地爐芋魁煨徑尺
穉子賒酒不出邨
自在

送友人遊楚二首

江天紅葉擁行舟
君去遙登黃鶴樓
湖北湖南無限好
猿聲雁影一時秋

布帆無恙楚江流
不斷青山引客舟
殘月曉猿過赤壁
江迴岸轉見黃州

喜卽到西陵率爾有作

煙花半月楚江船
歸雁晴猿處處聽
匹馬西陵明日路

青門簾櫳卷六

詩六

八

木蘭山下草青青

春盡客舍雜憶四首

家在江南五柳稀
落花閑覆釣魚磯
茅堂燕子渾來慣
舊日主人猶不歸

吏散鶯啼休蚤衙
淹留官舍獨看花
長年春興渾入賴
踪跡山家定酒家

苦憶楊梅此地無
家山巾櫛紅珊瑚
洞庭西灣光福崦
烘日蒸霞一萬株

楚燕低飛巧入簾
吳蠶如雪過初眠
新茶出芥櫻桃熟

暢好江南穀雨天

燕中送友歸梁谿二首

督亢陂前木葉曛。桑乾河上雁離羣。秋風何限尊鱸思。
惆悵明朝更別君。含吐醞藉

九峰秀色九芙蓉。知爾幽尋第幾峰。我夢故山清絕處。
月明泉響鶴棲松。高秀得太白韻

觀奕譜三首

一道斜飛角勢奇。桐陰茗椀倦餘時。總誇國手翻新局。
我自鈞簾覆舊碁。語味深在

雌黃局外原容易。黑白胸中了不關。晝倦推枰無箇事。
支頤屋角看青山。

青門簾裏卷六詩六

九

凌生元煥晚出推能品盛老聖逢吳趨舊擅名一著總

輸儂較穩十年斂手對空枰

只不肯犯手君家先生正是此種作用不

初夏絕句五首

今年梅雨何連綿。罌瓶滿貯茅齋前。蜀山砂注碁盤界。
界茶出碁盤頂者最佳妒殺江南第二泉

白石清溪五月寒。夜來凍雨響驚湍。柴門盡日支頤坐。
最好青山雨後看。

廣州茉莉建溪花。薤簾湘簾日影斜。小婦解供梅月水。
山妻自潑雨前茶。

西家海榴高刺天。千朵萬朵紅嫣然。連朝雨打離披甚。著水沾泥劇可憐。

新漲平添三尺許。門前沒卻釣魚磯。風雨夜來還作惡。明朝卽恐浸柴扉。
不衫不履神韻自超

送魏善伯歸寧都八首

半舫清尊只暫逢。別君惆悵落梅風。三千客路鶯聲裏。幾日江船細雨中。
余初識善伯於賀天石半舫齋

江干風燕趁帆斜。篷底春衫點落花。寒食冷煙何處過。鷓鴣聲裏正思家。

丹陽北固暮江流。雙槳乘潮過石頭。鐵鎖降旗前日事。

青門籠彙卷六 詩六

十

傷心莫問景陽樓。

峭帆牛渚上。蟻磯獨立江船有所思。弓刀舊蹟開平廟。

風雨荒崖太白祠。

人孤山頭春草生。滕王閣下春江平。試窺石鏡松門頂。

倒映鄱湖雪色明。

京江春漲接章江。江水牽情似箇長。君向鬱孤臺上望。

雁歸一半過潯陽。

百丈丹梯鑿翠微。金精何限武陵溪。歸時洞口花飛盡。

灌木藤蘿石徑迷。

魏子家翠微爲金精十二峰之一

蘭陵玉釭琥珀濃。蘭陵驛路青茸茸。御羹蘭陵城畔月。

隨君直到翠微峰 唐人神韻

雨夜

西風剪剪折盆荷，窗外疎疎涼雨過。最是酒醒燈暗後，
芭蕉葉上聽偏多。淺淺景語自足。

上海歌八首

黃龍浦口渾潮黃，滬瀆城邊蘆荻荒。廢壘猶傳袁內史，

開江只說海都堂。吳淞江明隆慶開海忠介公開

前年江塞愁殺儂，今年江開水瀧淙。高種木棉低種秫，

鄰簫社鼓過殘冬。明季江塞康熙間巡撫馬公重開

黃浦女兒蕩輕舸，蚤潮出去暮回橈。狂夫來去渾無準，

青門麗臺卷六 詩六

十一

不比初三十八潮

浦東婦女劇可憐，北伴南鄰盡種田。青布遮頭露雙腳，

踏車翻水棟花天。

萬里扶桑黑浪浮，吳淞帶水作咽喉。平吞溷澱三江匯，

御東滄溟一線流。

清瑄金虎已成空，猶說前朝海餉功。番舶蝦鬚來日本，

紅旗白柁出遼東。

伐鼓樅金海岸聞，浦東新設水犀軍。樓船翻動鯨鯢窟，

祖練晴搖蜃海雲。

大黃浦東浪拍天，海啞山擡太作顛。舶趨風時潮汎惡，

衝濤偏有打魚船

山擡風潮來海畔風雨多海人驗候語也

吳門寒食

禁煙風雨劇淒迷楊柳金閨綠未齊腸斷故園荒隴畔棠梨花發鵲鳩啼

和汪鈍翁先生吳閨柳枝詞三首

吳娃連袂蹋新詞不唱竹枝唱柳枝竹枝宛轉含愁怨柳枝旖旎縮相思閨門垂柳啼曉鴉樓前紅粉寺前花虎丘澆酒真娘墓阜橋繫馬泰娘家

流亂輕絲拂畫橋郎來斜倚木蘭橈儂似柳絲渾婀娜

青門籠彙卷六 詩六

十一

郎如柳絮易輕飄

六言

高郵舟中卽景

風微篷底茶煙帆正長年晝眠米客排檣依市漁翁數錢近船芟碧千羣鴈鵝荷紅百里湖田忽憶清溪舍北採菱踏藕年年

夏目偶成

舊業菰蘆草堂舍南舍北滄浪桃笙茗椀午倦竹雨荷風晚涼坐隱半枰吳越翻書一卷蒙莊臃腫從呼畏壘先生擬號柴桑

秋邨卽景三首

紅釀小槽初滴重陽溪蟹爭肥籬下黃花獨醉門前紅
葉客稀

細雨寒煙楚渡青山黃葉孤邨倚杖看驅歸犢腰鎌自
刈秋園 語白可兩 七京

遠邨近邨落照千點萬點寒鴉牛羊下山一徑煙火隔
溪數家 受業 七京

青門簾窠卷六

詩六

十三

受業姪瘡虞在編次

男

士謙

全校字

士京

青門簾窠卷之六 終

